

4.

A C T A  
IN CONSISTORIO SECRETO  
H A B I T O  
A SANCTISSIMO DOMINO NOSTRO  
P I O  
DIVINA PROVIDENTIA  
P A P A S E X T O

*Feria VI. Decembris MDCCLXXVIII.*

SOLEMNI DOMINICÆ NATIVITATIS DIE

STATIM POST MISSAM PONTIFICALEM

IN BASILICA VATICANA

Prope B. M. V. de COLUMNA , & S. LEONIS MAGNI Altaria

Qui locus nunc pro Sacratio est , nondum novo ,  
quod construitur , absoluto .



R O M Æ , MDCCLXXVIII.


---

Ex Typographia Reverendæ Cameræ Apostolicæ ,

SECRET  
NO FOREIGN DISSEM  
NO UNCLASSIFIED DISSEM

[illegible]

1. *Chrysomelids* 2. *Curculionids* 3. *Chrysomelids* 4. *Chrysomelids* 5. *Chrysomelids* 6. *Chrysomelids* 7. *Chrysomelids* 8. *Chrysomelids* 9. *Chrysomelids* 10. *Chrysomelids* 11. *Chrysomelids* 12. *Chrysomelids* 13. *Chrysomelids* 14. *Chrysomelids* 15. *Chrysomelids* 16. *Chrysomelids* 17. *Chrysomelids* 18. *Chrysomelids* 19. *Chrysomelids* 20. *Chrysomelids* 21. *Chrysomelids* 22. *Chrysomelids* 23. *Chrysomelids* 24. *Chrysomelids* 25. *Chrysomelids* 26. *Chrysomelids* 27. *Chrysomelids* 28. *Chrysomelids* 29. *Chrysomelids* 30. *Chrysomelids* 31. *Chrysomelids* 32. *Chrysomelids* 33. *Chrysomelids* 34. *Chrysomelids* 35. *Chrysomelids* 36. *Chrysomelids* 37. *Chrysomelids* 38. *Chrysomelids* 39. *Chrysomelids* 40. *Chrysomelids* 41. *Chrysomelids* 42. *Chrysomelids* 43. *Chrysomelids* 44. *Chrysomelids* 45. *Chrysomelids* 46. *Chrysomelids* 47. *Chrysomelids* 48. *Chrysomelids* 49. *Chrysomelids* 50. *Chrysomelids* 51. *Chrysomelids* 52. *Chrysomelids* 53. *Chrysomelids* 54. *Chrysomelids* 55. *Chrysomelids* 56. *Chrysomelids* 57. *Chrysomelids* 58. *Chrysomelids* 59. *Chrysomelids* 60. *Chrysomelids* 61. *Chrysomelids* 62. *Chrysomelids* 63. *Chrysomelids* 64. *Chrysomelids* 65. *Chrysomelids* 66. *Chrysomelids* 67. *Chrysomelids* 68. *Chrysomelids* 69. *Chrysomelids* 70. *Chrysomelids* 71. *Chrysomelids* 72. *Chrysomelids* 73. *Chrysomelids* 74. *Chrysomelids* 75. *Chrysomelids* 76. *Chrysomelids* 77. *Chrysomelids* 78. *Chrysomelids* 79. *Chrysomelids* 80. *Chrysomelids* 81. *Chrysomelids* 82. *Chrysomelids* 83. *Chrysomelids* 84. *Chrysomelids* 85. *Chrysomelids* 86. *Chrysomelids* 87. *Chrysomelids* 88. *Chrysomelids* 89. *Chrysomelids* 90. *Chrysomelids* 91. *Chrysomelids* 92. *Chrysomelids* 93. *Chrysomelids* 94. *Chrysomelids* 95. *Chrysomelids* 96. *Chrysomelids* 97. *Chrysomelids* 98. *Chrysomelids* 99. *Chrysomelids* 100. *Chrysomelids*



## VENERABILES FRATRES



UAM bonum sit confidere in Domino, VENERABILES FRATRES, splendidissimum exhibet argumentum ea, quæ inter sævientes procellas aura prodiit securior, ob quam repletum est gaudio os nostrum, & lingua nostra exultatione. *Iusta enim & rationabilis est causa gaudendi*, ait Leo Magnus, cum a Sacerdotibus Domini ea gesta cognoscimus, quæ & patrum canonum regulis, & apostolicis congruunt institutis. (a) Magno munere Divinæ Misericordiæ multiplicata sunt gaudia totius Catholicæ Ecclesiæ: Quippe studio Venerabilis Fratris Clementis Wenceslai Archie-

A 2

chie.

(a) Epist. 36. part. 2. Oper. Edit. Tyrnov. 1767.

chiepiscopi Trevirensis, & S. R. I. Principis Electoris, quem sine summa laude nominare non possumus, perniciosissimi errores extincti sunt, & in victoria veritatis dudum falsa dogmata perierunt. Non ignoratis plane quæ, & quanta intulerit damna Joannes Nicolaus Episcopus Myriophytanus, Ecclesiæ Trevirensis Suffraganeus, cum ab Anno Millesimo septingentesimo sexagesimo tertio, sub eментito Justinii Febronii nomine, Libros edidit, quibus, ut impugnaret hujus S. Sedis Jura, veritus non est Ecclesiæ ipsius Unitatem dissolvere. (a) Modo idem Archiepiscopus pro Religionis ardore, quo incensus est, pro pastoralis, quæ maxime valet, virtute, suæque mentis præstantia, illum ipsum Febronium induxit ad solemnem errorum suorum Confessionem, & Retractionem. Plura, & gravissima sibi ab illo proposita veritatis argumenta cum Febronius excepisset, serioque recogitasset, facile animadvertit se fuisse terrena opinione deceptum; & ut in Sacris est Litteris apprime versatus, agnovit commentis suis obistere, atque adversari Christi Domini doctrinam, Patrum testimonia, Conciliorum Decreta, aliasque Ecclesiasticas Sanctiones. Ac tum etiam facile Nos credimus, Animo ejus obversatum esse quidquid in Sacris Conventibus Trevirensibus Anno Millesimo quingentesimo quadragésimo nono habitis, quos ipsemet iterum prælo subjici voluit, (b) sanc-

tum

(a) Libri Justinii Febronii prohibiti fuerunt Decretis Congregationis Indicis 27. Februarii 1764. 3. Februarii. 1766. 24. Maii 1771. 29. Martii 1773.

(b) Histor. Trevirens. Diplom. Auctor. Jo. Nicolao ab Hontheim. Episc. Myriophyt. Tom. 2. pag. 749. Edit. Augst. Vind. anno 1750.

tum fuerat de tenenda , docendaque Romanæ Ecclesiæ doctrina , aliisque servandis Ecclesiasticis Juribus ; quod perspicue agnovit nulla debere varietate corrumpi . Sed adfuit certe , eumque intime commutavit , illabens in Cor , mentemque Divinus Spiritus , ut repente Febronius lapsum intelligeret , & ruinam sentiret , atque desleret . Tum , ut ad Patrem sapiens rediret , qui insapiens a Patre recesserat , cum statim retractasset , rejecisset , ac detestatus esset , quæ suis antea Libris scripserat ; veniam a Nobis petiit , Apostolicæ Sedis Clementiam imploravit , tamque promptum , ac paratum ad præstandas omnes officii sui partes exhibuit animum , ut etiamsi plurima jam accurate revocasset , cetera tamen omnia , quæ Nos adhuc emendanda esse censeremus , sine ulla cunctatione se correcturum promiserit . Sed præstat hæc ipsa , VENERABILES FRATRES , ex Archiepiscopi Litteris , & Febronii Retractatione cognoscere , quas Nostrarum ad Principes Epistolarum Secretarius recitabit . Ac primum audite Litteras .

*Sacrarium ingressus R. P. D. Benedictus Stoy ,  
Brevium ad Principes Secretarius , Cappa indutus , alta voce perlegit Litteras sequentes .*

### BEATISSIME PATER

**B**enedictus Deus & Pater Domini Nostri Jesu Christi , Pater Misericordiarum , & Deus totius consolationis , qui me consolari dignatus est in gravissima tribulatione mea , ut possem & ipse oppressum simili sollicitudine Sanctitatis Tux animum sublevare .

Magna nimirum tristitia mihi fuit , & continuus dolor cordi meo , dum viderem Suffraganeum ac Coepiscopum meum Nicolaum ab Hontheim , Virum tot ceteroquin nominibus mihi ca-

rum ac venerandum , utpote qui ob excellens & singulare ingenium , immensum omnigenæ eruditionis apparatus , longævam experientiam , mores a puero intactos , & fervidum restaurandæ disciplinæ , Ecclesiæque ampliandæ studium præ alio quovis oneri meo pastorali levando aptior esset , quique , nisi eum zeli amaritudo , & inconsiderantia in transversum egiisset , Ecclesiæ bono , solatio , ac præsidio natus videbatur ; dum , inquam , viderem Virum hunc terminos , quos posuerunt Patres Nostri , quin imo quos Patribus nostris Divinus Legifer posuit , transilire , atque a veritatis tramite tanto longius , tantoque obstinatius aberrare , quo ipsam magis decipiebat species recti , & optimæ voluntatis conscientia.

Interim tamen Scriptis suis unitatem Catholicam scindebat , ad quam reducere Protestantes moliebatur ; Zizaniorum extirpandorum prætextu , ex Agro Dominico evellebat & Triticum ; & sanctæ supra Petram Ecclesiæ ruinam parabat , dum illi etiam suppetias ferre cogitaret : Sed & adversus Sanctam , Catholico curvis nonnisi cum Religione suspiciendam , Romanam Sedem attollere quandoque supercilium , ejus jura extenuare , prærogativas obtinere , Jurisdictionem universalem , quam tota Antiquitas venerata est , e medio tollere , imo & ejusdem Sedis Præsules hinc inde probris conscindere non dubitavit ; eo nimirum , ut asserit , consilio , ut vigentes in Romana Curia abusus aboleret , Sedemque Divi Petri , sublati adscititiis , usque monstrosis parergis , nativo suo splendori restitueret .

Ut autem omnia hæc tutius ageret , & parata fors temeritati suæ mala declinaret , ficto , Justinii videlicet Febronii , Nomine Scripta sua vulgabat ; & ita quidem caute , ut quamquam Authoris Nomen , uti hominum neminem , ita nec me lateret , argumenta tamen deessent , quibus eum conscripti Operis convincerem . Sed & verbar , ne si eo hominem a tigerem , ut Febronianorum Scriptorum se autorem fateri cogeretur , jam assecularum numero & Mignatum præsidio audacior effectus , eo proterviæ procederet , ut infelicitis Operis elucubratione optime se de Ecclesia , & veritate meritum esse contenderet ; sicque ignis non jam lente & clanculum , ut antea , sese diffunderet , sed disjectis repagulis , in vastissimum & nunquam forte amplius extinguendum incendium erumperet .

A Deo itaque Optimo Maximo consilium , auxilium , tempusque opportuniora expectanda esse duxi ; quem in finem indignas quidem , at sinceras tamen & fervidas , cum gemitu Columbæ , bonorumque omnium votis unitas preces ad Cælum direxi ; illius quoque frequenter interponens auctoritatem , sanguinem & merita , qui , quæcumque in Nomine ejus a Patre petituri essemus , ea Nos consecuturos esse promisit .

Quam

Quam benignum ; quamque inclinatum supplicationibus meis se præbuerit : Consolator in se sperantium Deus , dignabitur Sanctitas Tua ex adjuncto Libello intelligere .

Prætermitto , ne longior sim , narrare , qua occasione dictum Suffraganeum meum Officium sui commovere incœperim ; quibusque gradibus eum divina clementia ad Sanctitatis Tuae pedes reduxerit .

Verum hoc , utpote virtutis eximiae argumentum , in Venerabilis Senis laudem præterisse nefas foret ; quod videlicet illum a primo instanti aspiciati inter nos negotii usque ad ejus consummationem , nunquam non humilem , docilem , modestum , & ad quævis jussa mea capeffenda obedientem ac promptum expertus fuerim .

Nec solum Sanctitati Tuae ad saniora consilia reuersum Authoris nostri animum dictus ejus Libellus exhibebit ; sed & cum intimi solatii sensu considerandum sistet , quam humiliter cum Sancta Sede reconciliari postulet , imo quantum gratiam hanc promereatur & magnanima errorum suorum Confessione , & amara pristinae rationis , factorumque minus rectorum poenitudine , & inconfusibili hodiernorum ejus sensuum Orthodoxia , & acri , quo modo incenditur , inlata Ecclesiae damna reparandi desiderio .

Atque inde est , cur supervacaneam rem me acturum arbitrer , si Te rogem , Sanctissime Pater , ut poenitenti paternum sinum pandas ; neque enim dubitare fas est , quin illius Caritatem æmuleris , qui super degeneri , sed jam converfo Filio misericordia motus , accurrens cecidit super collum ejus , & osculatus est eum , eique cum Siola prima omnem paternum amorem reddidit .

Certe , si quidquid Tibi est in me benevolentiae ( & multoties probasti inesse quamplurimum ) revertenti ad Te Carissimo Fratri meo exhibueris , & Viscera mea in Domino reficies , & incredibili me voluptate perfundes .

Confidens in bonitate Tua , hæc duxi scribenda Tibi , sciens quod super id quod rogo facies ; nec præteritarum modo ejus nostrarum oblivisceris ; sed & Filii loco eum habebis , amabis , Litterisque amicis & senium ejus solaberis , & animum adversus stolidam hominum judicia confirmabis : Dignum quippe , & consentaneum Tuae clementiae arbitror , ut qui suo erga Sanctam Sedem obsequio fines nullos posuit , eum illimitato prorsus affectu Sanctitas Tua complectatur .

Transfusa jam in sinum Tuum , Beatissime Pater , suavissimorum solatii , gaudii , spei , ac fiducia sensuum exuberantia , superest ut & coram Te deponam humillimæ ac profundissimæ subjectionis tributum , quo , quamdiu vixero , in persona Sanctitatis Tuae

honorare intendō Venerabilem illam Petram , cui inædificaturum se Ecclesiam suam Salvator promisit , & contra quam , haud secus ac Ecclesiam ipsam , nullæ unquam inferiorum potestates prævalituræ sunt .

Cumque in persona Beatissimi Prædecessoris Tui Divi Petri, Apostolorum Principis, non Agnorum modo omnium , sed & Ovium Tibi cura concredita sit , provinciaque demandata confirmandi Fratres Tuos ; intolerabili fere & viribus meis longe superiori duarum Ecclesiarum pondere quasi ad ima depressus , ad Te oculos , manus , vocemque attollo , suppliciter orans , ut satisficentem sub tot Animarum regimine , de quarum singulis severo Jûdici mihi olim reddenda erit ratio , animum allevare , cæcutientem illuminare , aberrantem reducere , torpentem excitare digneris Consiliis, Jussis, ac præsertim plurimum valenti apud Deum Precatione. Quæ omnia , ut Apostolica Benedictione mihi confirmare velis , vehementer a Te peto , qui finaliter me , gregesque mihi , utut indigno , commissos paternæ Tuæ benevolentiae commendans , filialemque reverentiam & amorem humili Sacrorum Pedum osculo proficiens subscribor .

SANCTITATIS TUÆ

Ehrenbreitstein die 15. Novembris 1778.

*Devotissimus, & Obedientissimus Servus, & Filius .*

Clemens Wenceslaus Archiepiscopus , & Elector .

Nunc Animos vestros ad Febronianam Retractionem advertite .

*Idem R. P. D. Stay legit Retractionem  
Episcopi Myriophytani , Suffraganei  
Trevirensis .*

BEATISSIME PATER

**S**Iquid mihi in longæva , & ad exitum declinante vita evenit triste , & acerbum ( evenerunt autem haud pauca ) ; illud omnium maximum , & Intima viscerum penetrans est , quod per Reverendissimum , & Serenissimum Dominum Archiepiscopum meum, Pastorem vigilantissimum , ad me pervenit, Sanctitatem Vestram indigne ferre plura , quæ in Libris Justini Febronii , seu quovis alio adscriptis nomine a me evulgatis , aut forte etiam mihi suppositis contingatur , utpote summa Sedi injuriosa , nec non supremis ejus juribus



juribus detrahentia, proin Sanctæ Nostræ Religioni ( sane præter , & contra meam intentionem ) noxia .

Cum autem nihil majus , & Viro bono dignius sit , quam agnitionem errorem confiteri , & præteritam culpam melioribus factis redimere ; sic inprimis agnosco & desleo errorem , ex zelo indiscreto Protestantes Catholicæ Ecclesiæ , & Apostolicæ Sedi reunendi , huncque in finem etiam usus , & praxes particularium Ecclesiarum , easque persæpe ultra modum exaggeratas , omnibus Ecclesiis applicandi studio natum ; neque eum , quoad vixero , deslere desinam . Dein deliberatum mihi constitutumque est , postquam culpam confessus ; & veniam gratiamque a paterpa Sanctitatis Vestræ clementia supplex deprecatus fuero , sicuti jura & decorem Summæ Sedis pro viribus tueri , ita & ejusdem Sanctæ Sedis judicium Libris & luminibus meis præferre , nullumque meæ erga eandem submissioni ponere terminum . Eripuit mihi auctoritas Sanctitatis Vestræ ( in qua auctoritatem Jesu Christi recognosco ) errorem . Itaque præfentes , eosque genuinos animi mei sensus de Statu Ecclesiæ , & summis Sedis S. Petri, Apostolorum Principis juribus , ad Successoris ejus Pedes omni cum submissione depono , tanquam in qua vivere , & mori cupio . Sunt autem ii sequentes .

Inprimis profiteor & agnosco cum *Tournelio* , Claves Ecclesiæ , & uni Petro , & Unitati simul a Christo concessas esse , ita ut unum aliud non excludat . Oportebat quippe meminisse cum *Tulliano* , in *Scorpisco Cap. 10. , Eas Dominum Petro , & per eum Ecclesiæ reliquisse ;* & cum *Optato* , de *Schism. Donatist. Lib. VII. n. 30. , Petrum Claves Regni Cælorum communicandas ceteris solum accepisse ;* ut enim de Petro ait *S. Leo* , *Serm. III. in Anniv. , Si quid ( Christus ) cum eo commune ceteris voluit esse Principibus , nunquam nisi per ipsum dedit quidquid aliis non negavit : Scilicet Claves datæ sunt uni Petro , quatenus ille Primatum & regiminis potestatem accepit a Domino , idemque Personam totius Ecclesiæ , & cu Supremus ejusdem post Christum , & sub Christo Rector ac Moderator , gerebat . Datæ quoque sunt Unitati , idest in bonum Unitatis , & Petro præcipue , ut dictum est , & aliis etiam Apostolis , eorumque Successoribus Episcopis , quibus docendi , ac regendi ministerium & potestas , seclusa plebe , commissæ sunt in verbis : Sicut me misit vivens Pater , & ego mitto Vos . Accipite Spiritum Sanctum , quorum remiseritis peccata &c. Euntes docete omnes Gentes &c. Attendite Vobis , & universo Gregi , in quo Vos Spiritus Sanctus posuit Episcopos regere Ecclesiam Dei : Attamen cum dependentia a Petro , & cum subordinatione ad ipsum , qui eas , ut superius ait *S. Optatus* , communicandas ceteris solus accepit . Explodendus proinde error ,*

haustus ex Protestantium fontibus, Ecclesiam Collegium esse, non Societatem, ut Catholici sentiunt, in qua baptizati fideles ex institutione Christi sub legitimorum Pastorum, ac præcipue Summi Pontificis, regimine degunt; cujus regiminis potestas, a Christo constituta, veram subjectionis, & obedientiæ obligationem multitudini, seu universitati imponit.

Profiteor Dei Filium, dum suam Ecclesiam fundare, eamque esse unam vellet, formandæ ac regendæ huic Unitati Primatum in illa instituisse; huncque S. Petro commisisse. Firmiter assero cum SS. Patribus *Cypriano, Hieronymo, Optato Milevitano, Gregorio Nazianzeno, Joanne Chrysostomo, Ambrosio, Leone M., Gregorio M.*, & aliis, propterea inter duodecim Apostolos unum electum esse, ut Capite constituto, super quo Ecclesia fundata est, Schismatis tollatur occasio: Ideo Christum, cum suis Apostolis potestatem largiretur, ab uno, cui Primatum tribuit, coepisse, ut unam Ecclesiam, & unitatem Cathedræ, simulque unitatis originem demonstraret: Schismaticum esse, qui, ut ait *Optatus*, contra singularem Cathedram aliam collocat, vel ab ejus communione per obedientiæ negationem recedit: Non habere Petri hæreditatem, qui Petri Sedem impia divisione discerpit; siquidem ubi est Petrus, ibi est Ecclesia: Petrum Ecclesiæ fundamentum (Apostolos, sibi ut Capiti subordinatos) in fidem suam recepisse: Eidem Petro, in quo Primatus excellenti gratia præeminet, ipsorum etiam Apostolorum curam a Christo esse commissam: Ipsum esse Os, & Principem Apostolici Cœtus.

Assero hunc Primatum (qui non ordinis, inspectionis ac directionis tantum est, sed & veræ Auctoritatis ac Jurisdictionis) quia non minus, quam Unitas ipsa, pro cujus conservatione ac regimine institutus est, perpetuus esse debebat, in Petri Successores Romanos Pontifices, Sedemque Apostolicam, hujus Unitatis Centrum & Radicem, jure divino transiisse, ut nulla ratione transferri a Romana ad aliam Sedem valeat: Ad hanc Ecclesiam propter potiorem principalitatem (id est, propter supereminentem ejus dignitatem atque auctoritatem) uti ait *S. Irenæus*, necesse esse omnem convenire Ecclesiam, hoc est eos, qui sunt undique, fideles: Eam esse Caput Ecclesiarum, a qua, ut inquit *Bonifacius Papa I.*, quisquis se abscindit, fit a Christiana Religione extorris. Huic accedunt Patres Concilii Constantinopolitani IV. *Sequentes*, ut ajunt, in omnibus Apostolicam Sedem, & observantes omnia ejus Constituta, speramus, ut in una Communione, quam Sedes Apostolica prædicat, esse mereamur, in qua est vera & integra Christianæ Religionis soliditas; promittentes etiam, sequestratos a Communione Eccle-

*Ecclesiæ Catholicæ , ideo , non consentientes Sedi Apostolicæ , eorum nomina inter Sacra non recitanda esse Myſteria .*

In horum sequelam cum Patribus Concilii Œcumenici Florentini agnosco , Romano Pontifici in B. Petro pascendi , regendi , ac gubernandi Universalem Ecclesiam a Domino Nostro Jesu Christo plenam potestatem traditam esse . Sicut autem pascendi , & regendi potestas sine conveniente Auctoritate , Jurisdictione , ac Coactione ( ad quam etiam , velut gravissima Spiritualis poena , pertinet Excommunicatio , quoad fructum & suffragia generalia separans ) subsistere non potest ; sic talem a Christo ipso promanantem in Romano Pontifice , tanquam Universalis Ecclesiæ Capite , Principe , ac Magistro residere affirmo .

Proſiteor quoque Romanum Pontificem esse summum Judicem Controversiarum in rebus Fidei & Morum ; ac in omni ejusmodi Controversia exorta , hinc inde dissentientibus animis , tum maxime audiendam vocem Hieronymi , scribentis ad Damasum : *Ego Beatitudini Tuæ , id est , Cathedræ Petri communione consocior : Super illam Petram ædificatam Ecclesiam scio . Quicumque extra hanc Domum Agnum comederit , profanus est . . . . Non novi Vitalem , Meletum respuo , ignoro Paulinum ; quicumque tecum non colligit , spargit . Et : Adhuc in tres partes scissa Ecclesia ad se rapere me festinat : . . . Ego interim clarito : Si quis Cathedræ Petri jungitur , meus est .*

Addo speciatim adversus errorem tum veterum , tum recentiorum Novatorum , qui sprete multitudine Episcoporum , Capiti suo Romano Pontifici expresse , vel tacite adherentium , Ecclesiam , ac veritatem in sua paucitate concludere non verentur , fieri non posse , ut a vero aberret Corpus Episcoporum , qui Capiti suo Romano Pontifici adherent : Sic hæresim Lutheri jam ante Concilium Tridentinum ab Ecclesia , præeunte Pontifice , per ejus Oraculum ultimato & irrevocabiler damnatam fuisse ; quandoquidem Ecclesia Capiti unita , sive per Orbem Universum dispersa , sive congregata in Conciliis Generalibus ( in quibus Episcopi jure proprio ac judiciaria potestate sibi ex institutione Christi coherente una cum Summo Pontifice definiunt ) in dictis Causis definiendis errare non possit , nec ab ea Cathedra discedere , ad quam , teste Cypriano , perfidia non valet accedere ; & in qua , manente dispositione veritatis , B. Petrus in accepta fortitudine Petræ perseverans Ecclesiæ gubernacula non relinquit , ac per Successores suos sedere , ac loqui non desinit .

Agnosco pariter datam Ecclesiæ a Christo auctoritatem iudicandi de sensu , seu doctrina Propositionum , Librorum , & Autho-

rum, ac fideles compellendi ad subscribendum suæ Sententiæ; hos proinde teneri eidem acquiescere interna mentis & iudicii adhæ-  
sione, non solum religioso, ut vocant, silentio; atque huiusmo-  
di iudicium nullatenus errori esse obnoxium. Constitutioni *Uni-*  
*genitus*, ut dogmatico Sanctæ Sedis Romanæ & Universalis Eccle-  
siæ Decreto, omnimodam ab omnibus obedientiam deberi affirmo.

Dico cum *Avito Viennensi Episcopo*, in rebus, quæ ad Ec-  
clesiæ statum pertinent, si quid dubitationis fuerit exortum, ad  
Romanæ Ecclesiæ Maximum Sacerdotem, quasi ad Caput nostrum,  
esse referendum.

Circa Decretales Romanorum Pontificum Epistolas, profiteor  
cum *SS. Gelasio*, & *Leone*, eas venerabiliter suscipiendas esse, &  
sanctæ custodiri debere.

Affirmo Romano Pontifici jure divino competere Jus indicen-  
di, dirigendi, & confirmandi Universalia Concilia, quæ per ejus  
concursum plenam fortiuntur firmitatem, & infallibilitatem, inde-  
pendenter à quacumque alia acceptatione.

*Concilium Tridentinum* non tantum in Causis Fidei, sed etiam  
Disciplinæ liberum fuisse profiteor, non obstante, quod pro illo-  
rum temporum & rerum circumstantiis in eadem Sacrosancta Sy-  
nodo non potuerint omnia de quorundam etiam proborum Vi-  
rorum voto ac desiderio reformari. Causas Criminales Episcoporum  
per Concilium *Tridentinum*, *Seff. XXIV. Cap. 5.*, Summo Pôn-  
tifici, & Apostolicæ Sedi merito reservatas judico. Cumque ea-  
dem Sacra Synodus, *Seff. XIV. Cap. 1.*, declaraverit Pontifices Ma-  
ximos, *pro suprema potestate sibi in Universa Ecclesia tradita*, Cau-  
sas aliquas Criminum graviores merito potuisse suo peculiari judi-  
cio reservare; non arbitror licere apertam hanc Synodi declara-  
tionem eludere, aut obliquis & coactis interpretationibus evertre,  
quasi hæc potestas Summo Pontifici non competeret proprio,  
ac originario, divinoque jure. Habet proinde idem Pontifex, &  
jurq; exerceat in Universa Ecclesia potestatem Dispensandi ex legi-  
tima causa in lege per Generale Concilium lata.

Primis jam tum Ecclesiæ temporibus ii censebantur, Spuriis,  
adulterinæque Episcopi, quorum Romanus Pontifex Ordinationem,  
seu Electionem absolute respueret, veluti **ULTRAJECTINORUM**  
**Pseudo-Episcoporum**, aliorumque eidem Communioni, atque Cau-  
sæ adhærentium. Quamvis autem antiquioribus temporibus Con-  
firmatio, & Consecratio Næo-Episcoporum Episcoporum ad Provin-  
ciales Synodos, præcipue vero ad Metropolitanum pertinuerit;  
attamen legitimis de causis hæc disciplina per Universum Occi-  
dentem mutata fuit, neque pristinam hac in parte disciplinam reduci

duci posse existimo, nisi de pleno atque libero Summæ Sedis assensu. Idem de Translationibus, & Depositionibus Episcoporum, nec non de Erectionibus novarum Sedium Episcopaliū servandum iudico.

Canonizatio Servorum Dei per Papam *Alexandrum III.*, ad evitandos innumeros abusus, soli Romano Pontifici, seclusis Episcopis Diocesanis, merito reservata est. Quamquam & ab antiquioribus temporibus, ut habetur ex *Benedicto XIV. Lib. 1. de Beatif. & Canon. Serv. Dei Cap. 10. num. 1.*, Beatificationes ipsæ, quæ fiebant ab Episcopis, vim obtinebant Canonizationis, vel per expressam Summi Pontificis approbationem, vel per universalem, extra Concilium, Ecclesiæ consensum, in quo tacita Summi Pontificis approbatio continebatur.

Quamvis olim vix aliæ Causæ, quam Majores, ex Provinciis ad Romanam Curiam deferrentur; attamen hodie in reverentiam Summæ Sedis, ac pro Suprema potestate eidem in Universa Ecclesia divinitus tradita, legitimo communique usu invaluit, ut in quibusvis Causis Ecclesiasticis ad Summum Pontificem appelletur, ita ut ejusdem Sanctissimi auctoritate in suprema instantia judicetur, tum Romæ per Judices Ordinarios ibidem constitutos, tum per Delegatos in partibus, pro diversitate locorum, morum, & Concordatorum.

Summi Pontifices *Pius II.*, *Julius II.*, & *Gregorius XIII.* omni jure dampnarunt Appellationes a Papa ad futurum Concilium, cujus damnationis causas suis Constitutionibus explicant. Sane jam antea reprobata comperimus a *Gelasio* Appellationes a Sede Apostolica: *Siquidem ad illam de qualibet Mundi parte Canones appellare voluerint; ab illa autem nemo fit appellare permiffus.*

Equidem primævo Ecclesiæ usu omnia Beneficia ad Episcopos, tanquam Ordinarii-Loci, dispositionem, seu collationem pertinuisse videntur; attamen cum sanæ rationis sit, ut Summus & Universalis Pontifex plurimum in Provinciis gratiarum dispensator existat, sic minime injustæ, imo huic Summi, & Universalis Pontificis qualitati consonæ fuerunt Beneficiorum Reservationes, quæ deinceps Nationum Concordatis firmatæ, & respective moderatæ sunt. Hæc Concordata, utpote vim pacis habentia, religiose omnino servanda sunt. Declararunt autem sæpius Romani Pontifices, signanter *Gregorius XIII.*, longe a suo Animo abesse Concordatorum, nominatim Germaniæ, infractionem.

Annatæ ad sublevandas necessitates Romanæ Curiæ, pro omnibus Ecclesiis excubantis, laborantis, & sumptus portantis, pro legitimis habendæ; atque ut tales, eo saltem usque retinendæ sunt, donec aliæ aequæ commoda ratione, Apostolicæ Sedis iudicio, substitu-

\*( XIV. )\*

sistenti, atque innumeris oneribus ejusdem Curiae provisum fuerit.

Exemptio Regularium (quorum magna in Ecclesia est utilitas), eorundemque immediata subjectio ad Apostolicam Sedem, legitimis ex causis, in bonum non tantum Religiosorum Ordinum; sed etiam Universalis Ecclesiae, videlicet ad faciliorem eorundem sub uno Supremo Capite gubernationem, introducta, & ab omnibus Ecclesiis agnita, nedum a Seculari potestate, sed nec ab una particulari Synodo abrogari valet; Abusibus, ex hac Exemptione nasci valentibus, per Concilium Tridentinum occursum, & provisum est.

Scio Episcopos non ab Ecclesia, seu fidelium Universitate, sed a Spiritu Sancto positos, ut commissos sibi Greges intra suas solum Dioeceses pascant & regant, cum debita ad Romanum Pontificem subordinatione. Quamvis autem illi primis Ecclesiae temporibus ampliorem, pro varietate disciplinae, in his quae jurisdictionis sunt, potestatem exeruerint; potuere tamen Canones ejus usum intra strictiores terminos coercere, quos privata auctoritate extendere nefas foret.

In illis, quae ad Fidem, Sacramenta, & Ecclesiasticam Disciplinam pertinent, potestas Ecclesiastica plene jure decernit, sine concursu potestatis Civilis; ratione tamen mutuae Protectionis, quam sibi invicem debent, ad haec spectat, juxta mentem Ecclesiae, & quantum ipsa optat, ejus Canones proteggere, & exequendos curare per media temporalia.

Finaliter judico, curandum omni legitimo ac meliore modo, ut pax & concordia inter Ecclesiam, & Rempublicam perpetuo retineatur; atque adeo, quoad Fides & Religionis jura patiuntur, vitandas esse occasiones offensionum; unde & diffidia oriri, & gravia mala in Religionis detrimentum timeri possent.

Accipe, SANCTISSIME PATER, has Assertiones, velut testem genuinae meae sententiae de divinis, atque eminentioribus Tuis, Tuaeque Sedis juribus, tanquam monumentum revocationis omnium, quae adversum ea, & si quae fortasse alia verae doctrinae Capita, seu universalis Ecclesiae jura (licet praeter intentionem) a me quavis via, aut modo dicta, scriptave fuere, vel scripta videri possent.

Si quid ultra est, quod circa Fidei, seu Doctrinae meae professionem ac declarationem, quam in omnibus Sanctae Romanae, atque Apostolicae Ecclesiae conformem esse cupio; jubes, aut postulas; habebis me semper ad eandem germana sinceritate edendam obedientiam ac promptum. Non negabis interim (sic humiliter

hinc confido) veniam erranti, qui medias etiam inter deviantiones nihilominus cum Patribus Concilii, Lateranensis semper agnovit, & quoad viveret, agnosceret, Romanam Ecclesiam, disponente Domino, super omnes alias ordinariae potestatis obtinere Principatum, utpote Matrem Univerforum Christifidelium; qui cum Divo Bernardo sine fraude & furo profitetur: Esse alios aliis assignatos Greges, singulis singulos; Tibi universos, uni unum, non modo Ovium, sed & Pastorum; tanquam uni omnium Pastori; qui cum S. Hieronymo non ignorans Romanam Ecclesiam supra Petram, qui Christus est, edificatam, nihil magis desiderat, quam Cathedrae Petri (qui etiam per Christum factus est Petra, ut ait S. Maximus Taurinensis) perpetuo consociari, Suscipe me in hanc Unionem; redde poenitenti filio paternum affectum; & in pignus huius gratiae da jacenti ante Sacros Pedes Tuos, eosque deosculantem Apostolicam Benedictionem,

**SANCTITATIS Tuae**

Treviris, 11. Novembris An. MDCLXXVIII.

*Humillima & Obedientissimo Filio.*

Joanni Nicolao ab Hontheim Episcopo Myriophitano  
Suffraganeo Trevirensi M. propria.

Nostros modo in forma Brevis Litteras, quibus ad utrumque respondimus, audietis.

*Postremo ab eodem lectae sunt Epistolae*

*Sanctitatis suae ad utrumque.*

Venerabili Fratri Clementi Wenceslao Archiepiscopo Trevirensi,  
& Episcopo Augustano, S. R. I. Principi Electori.

**PIUS PAPA SEXTUS**

**V**enerabilis Frater, Salutem & Apostolicam Benedictionem. Nihil Nobis gratius, atque acceptius Tuis Litteris contingere unquam potuit, Venerabilis Frater; nihil sis, quae Nobis ipse attulerant, exoptatius. Incredibile est; quanto inde, quamque immenso repleti gaudio sumus; idque Tu ipse magis ex Tuo laetitiae sensu existimare poteris, quam Nos ullis Tibi significationibus exponere valeamus. Illo, quem nuntiasti, successu, illo, quem

transmissi. *Retractionis* Libello, gravissimam detraxisti Nobis, quæ jamdiu Animo infixæ erat, de *Febronianis* Scriptis sollicitudinem; quantumque antea demissis illinc in Ecclesiam dominis dolebamus, tantam nunc in spem inducimur fore, ut iis ipsis Scriptis jam à suo Auctore repudiatis, abdicatis, ac damnatis, accepta detrimenta sarciri tandem ac resciri videamus. Hunc a Deo ipso reitexitum eo magis expectamus, quo magis illius Dignum, Cor hominis altissime pervadentem, atque immutantem agnoscimus. Tuos ille sermones, cum Episcopo Myriophytano Suffraganeo Tuos. Te habitos, Tua in ipso ab errandi via deducendo confilia, Tuas actiones pro sua gloria, atque Ecclesiæ utilitate susceptas sui Spiritus afflatu moderabatur, sua ope præsidioque muniebat, opportunitatesque omnes, & differendi, atque agendi tempora sapientia sua gubernabat. Illi igitur, qui dives est in misericordia, summæ immortalesque habendæ sunt à Nobis gratiæ, quod & Tua vota, studia, ac labores, & Nostros non intermissas preces, ac lacrymas, in Cordis humilitate ad eum infusas, tam liberaliter, tam benigne tandem respexerit. Verum cum ab ipso Tua fuerit opera, tamquam suæ miserationis instrumentum, adhibita, ipsam hanc tam egregiam, tamque excellentem operam ac Virtutem. Tuam intimæ Animi Nostri comprobatione prosequimur, atque in Cælum extollimus. Tibique, Venerabilis Frater, ita gratulamur, ut nihil unquam à Te in Tuo Episcopatu munere neque gloriosius, neque utilius suscipi, atque efficere potuisse Apostolica voce prædicemus. Summa esse Tua fatemur de Nobis, de Sancta hac Sede, Ecclesiæque Univerſa merita, ac maxima inde, nec unquam interitura accessisse ad pristinam Tuam laudis ac splendoris amplitudinem vere solidæque gloriæ ornamento. Hæc eximia Nostra de Te judicia pari etiam gratissimi Animi testimonio, summique in Te amoris, existimationis, ac studii declaratione cumulamur. Proinde quod Tu nunc à Nobis vehementer exoptas, atque efflagitas, ut Venerabilem Fratrem Joannem Nicolauri Episcopum Myriophytanum jamdiu aberrantem, ac ad Nos modo revertentem, in gratiam benevolentiamque Nostram restituamus, magnopere quidem gaudemus in eo, quod Nostra Animi inductione cupidissime præstituri sumus; una etiam Nos esse Tuo huic gravissimo postulato præclate satisfacturos. Itaque omnia, prout fieri à Nobis cupis, ab ipso antea in Apostolicæ hujus Sedis Ecclesiæque jura, perperam atque inconsulte dicta, scripta, adaque ex Animo remittimus, condonamus, atque ignoscimus; ad eaque respicimus, quæ nunc consecuta sunt, quæ nimirum à Te, atque ab illo ipso etiam de præſenti suo Animi sensu, ad Nos deferuntur; eundem in



paternæ Caritatis sinum, atque in complexum Nostrium libenter, amanterque recipimus, ac tamquam inventam Ovem, quæ perierat, humeris Nostreis imponimus, atque ad hanc solidissimam Veritatis Petram læti exultantesque reportamus, ac inter ceteros Coepiscopos Fratres, itemque Filios Nostros adnumeramus; & quo amplius habeat paterni hujus Amoris, lætitiæque Nostre argumentum, non mediocri etiam laude, & commendatione hanc ipsius actionem exoramus. Commendari enim oportere a Nobis intelligimus ejus cum ingenii docilitate conjunctam Animi fortitudinem, quæ in suo hoc facto perspicue conspicitur atque eminet, dum illas suas, quas tantopere adamarat antea, propugnaratque Sententias, abjicit nunc, ac detestatur, dum plurimorum huic Petri Cathedræ aut adversantium, aut invidentium, quos undique in suas partes laudesque pertraxerat, judiciis non retrahitur, non permovetur. Quid hoc est, nisi quodammodo pro veritatis, quæ affulsit, amore semetipsum contemnere, ex Saalo noyım in se Paulum exprimere, de ambitione, de sui laude, de profani Sæculi hujus aura fortiter, egregieque triumphare? Quo certe humanæ Naturæ imbecillitas pertingere non potest, nisi divina ope fulta, ac roborata. Divinæ igitur voluntatis rationibus inhaerere Nos putamus, dum eundem singulari laude prosequimur; quæ potissimum in Dei ipsius gloriam est redundatura. Idcirco jam nunc ipsi amantissimis respondemus Litteris; quas hisce conjunctas ad Te transmittimus; in iisque intimæ reconciliationis, gratiæ, laudationisque Nostre testem Apostolicam Benedictionem ex animo concedimus. Ut autem ad Te regrediamur, Venerabilis Frater, ita tua hac virtute, tuæque felicitate gaudemus, ut plurimum ob ipsum etiam tam singulare, tamque præfians exemplum, in Te splendoris, in Apostolicam Sedem utilitatis, sed etiam in regulam judicemus. Maximo enim exemplum illud ceteris omnibus Episcopis incitamento ad Sacra tuenda, & propugnanda jura futurum confidimus: Eos vero ætissime poterit tua claritate ac luce ad imitationem impellere, quibus ob locorum propinquitatem erit ipsum multo conspectius; quibusque deesse jam hoc tempore non potest ejusmodi exhibendæ, excedendæque virtutis copia. Nunc vero tibi Te, ipsum in posterum Tui similem futurum obnoxiobitemus, valdeque lætemur nulla Te hortatione indigere, qui tua sponte ad præclara quæque inflammaris; tamen ut magis Tibi constare possit, quantum adhuc tua virtute nitamur, illud nunc a Te expectamus: Vt quem a Deo recepit Suffraganeus tuus docilitatis spiritum, eodem pro tua apud ipsam auctoritate vells ut ad debitam ab ipso exigendam, quam promissit, operam, qua illud erorum

rorum propugnaculum, quod jampridem excitavit, idem ipse sui ingenii, suæque doctrinæ ope deicere, ac funditus delere pergit; ex quo certe præcipuum ipsi illi Retractioni suæ pondus adjungetur: Tecum præterea S. Leonis Magni adhibemus ad Theodoretum, Cyri Episcopum, scribentis verba: (a) *Victoria, quam Christus Dominus Noster suæ donavit Ecclesiæ, quamdiu in hoc Mundo versamur, licet fiduciam majorem tribuat, non tamen in totum sollicitudinem perimit, nec ut dormiamus donata est, sed ut suavius vigilemus.* Jam quod reliquum est, & perspectissima Nobis antea erant Tua in Nos, & Apostolicam hanc B. Petri Cathedram studii, conjunctionis, observantiæ, pietatisque officia; & nunc adeo grata & jucunda est eorumdem in Epistola tua luculentissima confirmatio, ut nihil cupiamus magis, quam palam omnibus facere posse, quantam Tui, Tuæque Dignitatis ac Virtutis rationem habeamus, quantumque ad ea omnia præstanda, quæ ad Tuæ laudis gloriæque incrementa faciant, atque ab hujus S. Sedis beneficentia proficisci possint, potissimum incendamur. Interim Deum Opt. Max. precamur, ut cum ipse præstantium tuorum meritorum suavor, impulsor, atque auctor extiterit, idem etiam esse suorum in Te munus amplificator velit. Atque hujus divinæ benignitatis auspicem Apostolicam Benedictionem Tibi, Venerabilis Frater, Tuæque fidei concreditus populis intimo paternæ Caritatis sensu amantissime impertimur. Datum Romæ apud Sanctum Petrum sub Annulo Piscatoris die XIX. Decembris MDCCLXXVIII. Pontificatus Nostri Anno Quarto.

*Benedictus Stay.*

*Venerabili Fratri Joanni Nicolao Episcopo Myriophytano.*

## PIUS PAPA SEXTUS

**V**enerabilis Frater, Salutem & Apostolicam Benedictionem. Quod summopere semper optavimus, quodque a Deo Optimo Maximo omni animi contentione precati sumus, ut Tu, Venerabilis Frater, cordis dolore tactus intrinsecus, tandem aliquando a suscepta jamdudum offensionis atque erroris semita illius miseratione digredereris, Teque ipsum ad veræ doctrinæ lucem revocares; id nunc contigisse & ex Litteris Venerabilis Fratris Clementis Wenceslai Trevirensis Archiepiscopi, &  
S. R. I.

(a) *Epist. 93. Cap. 6. Part. 2. Oper. cit. Edit.*

S. R. I. Principis Electoris, & ex transmissis Nobis Tuo Retractionis Libello incredibili paterni Nostri animi jucunditate intelleximus. Maximas exitisse Nobis a Te antea doloris, atque, ægritudinis causas, ipse facile percipere potes; cum Te nimirum intueremur hujus Apostolicæ Sedis beneficio ad Episcopatum evectum, ipsique tanto necessitudinis nomine devinctum, tamen insurrexisse ad eandem oppugnandam, idque conari, ut ejus antiquissima jura, atque a Christo Domino, derivata privilegia minueres, ac labefactares. Divinis Nos sane freti promissionibus certissime confidebamus, Solidissimam hanc Veritatis Petram nullis unquam adversis ventis ac tempestatibus concuti posse, atque ad ruinam impelli. Sed & Tuam dolebamus vicem, qui Te tanto perire a Nobis averteres, atque aberrares; & eorum etiam omnium errorem perniciemque desolebamus, quos ingenium tuum, amplaque eruditionis, ac doctrinæ species ad Tuas partes, hoc præsertim adversissimo Ecclesiæ ac Religionis tempore, facile pertraherebat, atque aggregabat. Has pristinas gravissimas molestias, perpetuasque sollicitudines Nostras non idcirco nunc commemorandas suscepimus, Venerabilis Frater, ut Tibi quidquam exprobrare videamur; sed ut luculentissime declarem, in quale, quantumque illæ jam conversæ sint gaudium, quamque ex ipsa superioris temporis recordatione sensus in Nobis Tuæ rei reversionis fiat jucundior. Cognoscimus certe in Tuis hisce immutatis consiliis Dei virtutem ac misericordiam, qui non reliquit Te usque in hunc, sed novam Tibi mentem voluntatemque per Sanctum Spiritum immisit, atque indidit; eique quantas maximas possuimus intima Animi fide gratias persolvimus; Teque etiam hortamur, ut hæc ipsi debita Tuæ Religionis Officia in humilitatis sensu exhibere ac referre nunquam intermittas. Porro ut Tu ipse pro tanto beneficio, post Deum, unice obstrictus es eidem Trevirensi Archiepiscopo Tuo; ita Nos itidem plurimum ipsi debere ultro profiteamur; qui sua tandem opera, Sapientia, ac Virtute perfecit, ut divina ope Te ad hanc Beati Petri Cathedram cum gemitu filteres, implorares veniam, ad ejusque cultum, obsequium, ac reverentiam purò corde, & conscientia bona, & fide non ficta redires. Hoc nimirum de Te persuadent Nobis, præter summam ejus amplissimi Viri auctoritatem, ipsa ratio Epistolæ ac Retractionis Tuæ, in qua post plurima singillatim, atque accurate expressa, a Teque revocata, Animum præteritorum omnium poenitentem exhibes, eumque in modum comparatum esse confirmas, ut cetera etiam, que non expresseris, contra Apostolicæ Sedis decreta, ac doctrinam a Te unquam prola-

prolata , statim ut admonitus fueris , Te ad veritatis normam redacturum esse pollicearis . Hoc optimæ voluntatis Tux testimonium . Nos perlibenter suscipimus ; hoc certum tux constantie pignus esse existimamus . Proinde remittentes Tibi quascunque Canonicas , & spirituales pœnas , Te , Venerabilis Frater , quod tam enixe a Nobis suppliciterque postulas , in Nostram , & Sanctæ hujus Sedis gratiam reconciliamus , ac restituimus ; Tibi pacem , quam a Christo Domino didicimus , largimur ; Tibi paterno amplexu occurrimus ; Te inter Episcopos Collegas Nostros adnumeramus , atque amantissimis Verbis Filium etiam Nostri compellamus . Dum hunc Nostrum , ut vides , amore Tibi tam prolixè deferimus , eundem etiam cum plurima tui commendatione ac laude jam nunc conjungere minime dubitamus . Neque enim dissimulare possumus in Tua hac Actione conspici a Nobis & docilitatem ingenii , & magnitudinem animi Tui . Nam quid majus a Te fieri , quid fortius potuit , quam discussa errorum caligine , a pristina mentis elatione ad christianæ humilitatis sensum demitti , tuas abjicere ac reprobare sententias , veritati posthabere exorituros de Te rumores , Temetipsum quodammodo vincere atque contemnere ? Quod quanto difficilius est , humanæque Naturæ vires excedens ; tanto magis intelligimus aundare in Te divitias gratiæ & bonitatis Dei . Ita certe Boni omnes , quorum gravissima apud Te esse debent judicia , Nobiscum sentiant , cum Nos , quæ operata sit in Te Dextera Domini , palam faciemus . Tu itidem , Venerabilis Frater , illud nunc potissimum age , ut omnes Populi publica tua veritatis a Te agnitæ confessione , divinæque potentiæ celebratione quid per ejus misericordiæ gratiam sis consecutus , intelligant . Maximum existima , atque opportunissimum illati a Febronio in Ecclesiam detrimenti futurum remedium , si Tu ipse , qui eos Libros conscripsisti , eosdem , ut erant antea ad plurimorum ruinam , ita nunc ad ipsorum ædificationem refutes , convincas , ac redarguas . Et si provecta jam ætate sis , integris tamen adhuc Te , Deo juvante , pollere cum Animi , tum Corporis viribus non ignoramus . Quid potius igitur , quid utilius , quid præstantius reliquo vitæ tempore facias , quam , ut quâ manu vulnera Ecclesiæ atque Apostolicæ Sedi inlaxisti , eadem illa ipsa alligare , ac perferre omni studio , ac labore contendas ? Habes profecto plurimos , quos imitere , præcedentibus Ecclesiæ temporibus insignes & sanctitate & doctrina Viros , qui nedum prioris ætatis errata retractare veriti non sunt , sed eadem semel detecta constantissime rejicientes , maximam hoc ipso apud omnes suo nomini gloriam com-

compararunt (a). Eja igitur, Venerabilis Frater, exere vi-  
res, Te ipsis S. Joannis Chrysostomi Verbis excitamus, (b) for-  
titer dimica, atrociter in proelio isto concerta, considera pactum,  
conditionem attende, militiam nosce; pactum, quod spondidisti;  
conditionem, qua accessisti; militiam, cui nomen dedisti: Tibi  
etiam S. Bonifacii Moguntini Episcopi, Germaniæque Apostoli,  
plenas auctoritatis voces subicimus, quem Tibi ignotum esse  
non potest aliquantulum etiam ad Palatiolum Monasterium prope  
Treviros constituisse (c): Ille ad Zachariam scribens testatur, ni-  
hil tam se optare, quam Catholicam Fidem & Unitatem Ro-  
manæ Ecclesiæ servando dilatare, & quantoscumque audientes, vel  
discipulos in ista Legatione mihi Deus donaverit, ad obedientiam  
Apostolicæ Sedis invitare, & inclinare (d). Nos vero Tibi  
ipsum Zachariæ ad Bonifacium responsum damus: Domini de-  
precamur clementiam, licet peccatores, ut suo Te muniat, &  
confortet auxilio, Nosque annuat prosperitatis tuæ semper la-  
suscepere nuncia (e). Demum pro Dei benignitate nova, sem-  
perque uberiora imposterum a Te lætitiæ Nostræ, Turæque com-  
mendationis argumenta expectantes, Apostolicam Benedictionem  
Tibi, Venerabilis Frater, cælestium munerum omnium auspitem,  
in paternæ gratiæ, pacis, caritatisque amplexu ex Animo, ac  
peramanter impertimur. Datum Romæ apud Sanctum Petrum  
sub Annulo Piscatoris die XIX. Decembris MDCCLXXVIII. Pon-  
tificatus Nostri Anno Quarto.

Benedictus Stay.

Hiscæ

- (a) Epist. Maximi, Urban., Sildon, & Machar, de sua reditu ex schismat., l.  
inter Epistol. S. Cyprian. Edit. Paris. cum Adnotat. Pamel. ann. 1603. S. An-  
gustin. in Prolog. lib. Retraction. Tom. 1. Operum Edit. Paris. Monachor.  
S. Maur. Neque enim quisquam, nisi imprudens, ideo quia mea errata re-  
prehendit, me reprehendere audebit. Sed si dicit, non ea debuisse a me dici,  
quæ postea mihi etiam displicerent; verum dicit, & mecum facit. Eorum  
quippe reprehensor est, quorum & ego sum. Neque enim ea reprehen-  
dere deberem, si dicere debuisssem.
- (b) Serm. de Martyrib. Quod aut imitand., aut non laudandi sunt, Tom. 3. Oper.  
Edit. Paris. 1581. pag. 849.
- (c) Brover, Annal. Treviren., Tom. 1. lib. 7. num. 116. Gallandist. Aët. SS. Ju-  
nii Tom. 1. Die 5. §. 2.; dein. in 4. Vita ejusd. S. Bonifac. §. 1.
- (d) In Collect. Concilior. Labb. Tom. 6. pag. 1495. Edit. Paris. 1671.
- (e) In citat. Collect. Labb. pag. 1527.

*Hicce absolutis , præfatus R. P. D. Stay  
egressus est e loco Consistorii; & San-  
ctissimus Allocutionem sic  
prosecutus est.*

Ex quibus omnibus præclare intellexistis, VENE-  
RABILES FRATRES, quid hac in re actum jam sit; præci-  
pue vero constare Vobis potuit, quam candido, sincero,  
atque ingenuo animo in Cor suum se rediisse fateatur  
Febronius; &, quod animadverti maxime debet, non  
temporali ullo commodo illectus, non virium in-  
firmitate fractus, non ingenio debilitatus, nec mo-  
lestis inductus suasionibus, sed sola veritatis agni-  
tione permotus, sola supernæ gratiæ illustratione,  
perfusus, solo denique salutis suæ desiderio incen-  
sus, errores suos singulari studio rejiciat, summa-  
que contentione ejuret; ut retractationis Libellum,  
quem *PROPRIA MANU TOTUM PERSCRIBERE  
VOLUIT*, selectis *PATRUM AUCTORITATIBUS*,  
*ET RATIONIBUS ROBORARIT*. Nonne hæc est mu-  
tatio Dexteræ Excelli? *Qui innumeris Charismatum  
donis universum Ecclesiæ Corpus exornat, ut per multos  
unius luminis radios idem ubique splendor appareat,  
nec possit nisi gloria esse Christi, cujuslibet meritum Chri-  
stiani.* (a) Neque enim exiguum id esse reputamus  
Episcopi Myriophytani meritum, qui sanctissimos  
Job, & Davidem imitatus, nullam afferri sibi mo-  
ram passus est ab importuno, quo imbecilles animi  
plerumque capiuntur, pudore errata sua confitendi;  
sed

(a) S. Leo M. Serm. 63. Cap. 7. Par. 1. Oper. cit. Edit.

sed summam ingenii docilitatem , ac miram animi fortitudinem in damnandis sententiis suis , seque ipso pro veritate abjiciendo , declaravit : Audiatur hic Ambrosius , cujus verbis dum Febronii laudes cumulantur , vulgi stultitia detestatur : *Amicus Dei , Propheta Dei , Rex ab ipso electus Deo , & unctus in Regnum , flagellis se spontaneus offerebat , nec erubescibat ; & Tu erubescis ? Non multum ista verecundia Tibi opitulabitur : cum ad Judicium Dei veneris : Sed pudoris Te istius pœnitebit , cum in conspectu non solum hominum , sed etiam Angelorum , & omnium Potestatum Cœlestium constitutus , cœperis peccata propria non negare . . . Non esset hodie in requie servulus meus Job , si erubisset tres illos Reges Amicos suos ; nec ipse David , si erubisset delicta propria confiteri . . . . . Et quia uterque eorum non erubuit factorum suorum pretium in mea ponere potestate , meo se judicio voluntatique committere ; nec Ego de talibus Servulis erubescam , ut appellem Amicos meos , qui meam studuerint facere voluntatem . (a) Accedere etiam ad ipsius meritum debet , quod cum a perniciofa dissensione ipse jam discessisset , ab eadem itidem suo exemplo brevi abducturum eos confidamus , qui hactenus illius , tamquam sui Ductoris , signa sunt secuti .*

Si Dioscori interitus , qui in sua sentiendi pravitae obiit , ut scribit Leo Magnus , (b) *in profundiora dejecit affectas ejus , & perfidiae incentore sublato , instabiles quædam , & insipientes animæ habent , quod paveant , non habent , quod sequantur ; quales nunc esse*

(a) Enarrat. in Ps. David. 37. n. 51, Tom. I. Oper. col. 838. Edit. Paris. Monach. S. Mauri .

(b) Epist. 111.

se Febroniani debent , Auctorem suum videntes , non jam extinctum , sed immutatum , sed Sectatorum omnium in seipso damnantem errores ? Habent illi adhuc quem sequantur , si ipso præeunte redire ad officium , ad sanitatem velint ; sin renuant , & in sua defectione persistant , quid jam illis supererit , detracto Duce , nisi ut incerti paveant , confusi ut erubescant ? Qui enim se a Romana Ecclesia sejungunt , in eaque constitutam Unitatem dividunt , dum amantissimæ suæ Matris sinum , & amplexum recusant , omnem suam substantiam quasi profugi , & inopes dispergunt . Verumtamen pergant illi , quas libuerit , fraudes insidiasque huic Ecclesiæ struere , atque inferre calumnias , & , ut magis adhuc obtrescant , Sæculi Potestatibus eandem obsistere , atque adversari clament ; tamen vel inviti agnoscant , ac fateantur necesse est , quanta nunc iis auctoritatis species decesserit , quamque in apertum aggerata illa falsitatis commenta proferantur . Neque se magno similiter errantium numero tueri poterunt , sibi que de multitudine blandiri ; ut enim Ambrosius egregie monuit : ( a ) *Multitudo sciorum impunitatem non facit criminum : Nam in Sodomam , & Gomorrhæ , & in totis quinque Civitatibus innumerabiles utique habitabant Populi , & omnes pariter . . . igneis imbribus conflagnarunt .*

Nos interea Myriophytanum Episcopum , qui manifesta professione a se abjecit ac repulit quidquid in Scriptis suis Romana detestatur Ecclesia , & nihil  
simu-

(a) *Lib. de Laps. Virginis consecr. Cap.9. n. 41. Tom.2. Oper. col. 316. su-  
pracit. Edit. Paris.*



simulatum, nihil obscurum, nihil ambiguum in sua Retractione intexuit, diutius morari non possumus, quin, etsi magno a Nobis locorum intervallo divi- sum, in Spiritu Caritatis amplectamur; & ab ines- fabili misericordia Dei non judicemus alienum, sed omnis culpæ abolitionem, & Apostolicæ pacis gra- tiam impertiamur: *Nullas patitur veniæ moras ve- ra Conversio; & in dispensandis Dei donis non debemus esse difficiles, nec accusantium se lacrymas, gemitusque negli- gere, cum ipsam pœnitendi affectionem ex Dei credamus inspiratione conceptam.* (a) Aliter, uti docuit per ap- tissimas similitudines Cyprianus, (b) præcluderemus, atque absinderemus iter doloris, ac pœnitendi viam; & dum fructus pœnitentiæ intercipitur, pœnitentia ipsa tollitur. Supremus enim Creator noster magis placatur voluntate, quam sanguine, ut ostendit in Abraham, cujus fidem in Filii oblatione requisivit; at si eum jussit offerri, tamen non permisit occi- di. (c) Huic Nostræ voluntati magnum adjecit in- citamentum Trevirensis Archiepiscopus, qui idipsum a Nobis summo studio postulavit. Ipsi non solum omnem habemus, pro sua amplitudine, ac virtu- te, fidem; sed tantum existimationis, carita- tis, ac laudis pro innumeris suis in Ecclesiam, meritis deferimus, ut incredibilem in modum il- lius studiis, illius gloriæ faveamus. Ejus maxi- mæ, post Deum, in eximio hoc opere partes ex- titerunt; ejusdem Consiliis, atque Actis, tam præ- clara incepta præclariores sunt exitus consecuti.

Sum.

(a) S. Leo M. Epist. 83. Cap. 4.

(b) Epist. 52. juxt. Edit. Paris. 1603.

(c) S. Petr. Chrysol. Serm. 108. Edit. Lugdun. 1627.

Summa est præterea ipsius Nobiscum conjunctio, summa erga Apostolicam hanc Sedem observantia. Quapropter dum ipsum debita hac prædicatione prosequimur, dum tantopere de sua pietate gaudemus; adhuc multo majore fiducia nunc ab ipso petimus, eumque obsecramus, ut pastoralis Animo pergat Adversariorum Machinamenta confringere, Coepiscoporum exeitet diligentiam, ut quos eadem Unitatis causa conjungit, eodem ardore inflammentur in revocandis iis, qui a veritatis semita inconsultius deerrarunt in suis Ecclesiis, ut ita *Domini ovile reparetur, & per sollicitudinem Caritatis atque doctrinæ, omnes Christi Oves unum se sentiant habere Pastorem.* (a)

Hæc sunt, VENERABILES FRATRES, quæ in sinu Nostro diutius continere præ gaudio non potuimus, quin Vobiscum communicaremus; ut quos antea sollicitudinis, ac doloris socios habuimus, nunc consolationis Nostræ compotes, participesque faciamus. Præclaram tribuit annunciandæ hujus lætitiæ opportunitatem, illamque potissimum auget, hæc ipsa sollemnis, quam celebramus, Reparationis dies. (b), in qua *Rex pacis, cum sua pace procedens, fugavit amne diffidit*

(a) S. Leo M. Epist. 141. in fin.

(b) Alexander PP. VI., uti proditum in Diario Burchardi Cæremoniarum Magistri, habuit die 25. Martii 1498. Consistorium secretum, recurrente Dominica quarta Quadragesimæ, Latere nuncupat, in quo providit nonnullas Episcopales Ecclesias. Benedixit Rosam auream; & deinde venit ad Cappellam majorem, in qua celebravit Missam Card. Perusinus.

Julius PP. II., teste Diario Paridis de Crassis Cærem. Mag., habuit Consistorium secretum in Aula Paramentorum die 23. Februarii 1505., recurrente Dominica tertia Quadragesimæ; & postea venit ad Cappellam, in qua Missam cantavit Archiepiscopus Atheniensis Adstantes

In Diario Phebei Cærem. Mag., A. 1646., legitur: *Feria 2. die 12. Mensis Martii, licet sit Festum Palatii, videlicet S. Gregorii Magni, tamen habitum est Consistorium secretum, presentibus triginta Cardinalibus; in quo propo-*

*diuin, diffensiones depulit, discordiam perturbavit, & sic Cælum splendor Solis, ita Ecclesiam fulgore patris illuminat. . . ut nunc procedente Christo Rege pacis omnis, quod triste est, auferatur a medio, & illucescente veritate, fugetur mendacium. (a)*

Hic etiam aptissimus se obtulit Nobis ad Vos alloquendum locus, e conspectu nempe gloriosæ Confessionis Principis Apostolorum, qui Petra est, ad quam eliduntur filii Babylonis; & obtinens cum æterno Sacerdote indeficiens consortium, Sedi suæ præesse non desinit, ut omnino Febronii pœnitentiam ejus patrocínio referre debeamus.

Plurimam quoque jucunditatem attulit Vos al-  
loqui e latere Corporis Magni Leonis, quo Christus utitur assertore; cujus Scripta suavissima præbent legentibus spectacula; *quemque Advocatum, & Propugnatorem veritatis invenimus. (b)*

Gloriemur itaque in Domino, VENERABILES FRATRES, & causam hujusce actionis ad originem suam, caputque ferentes, illi immortales gratias, illi laudem, gloriam, & honorem tribuamus, in cujus manu & hominum corda, & momenta sunt temporum.

*proposita sunt multa Ecclesia, & petium Pallium pro Ecclesia Strigoniensi &c. Heri mane, cum SS. Innocentius PP. X. ) Curatori dixisset, quod hac mane esset Consistorium; dictum est respondisse: Esse Festum Palatii, & ideo celebrari non posse Consistorium. Cui quam prudentissime Summ. Pontifex, Posuimus, inquit.*

Clemens XIII. die 24. Decembris 1767. mandavit indicî Consistorium secretum, dum cantabantur prim. Vesper. Nativitatis D. N. J. Christi; quibus expletis, habuit Consistorium in Aula Consistoriali Palatii Quirinalis, & gravi Allocutione exposuit necessitates Catholicæ Ecclesiæ, & decrevit solemnem utriusque Cleri Supplicationem habend. die 18. ejusd. Mensis, Fest. SS. Innocentium, in Basilica Vaticana. Cui idem Summus Pontifex cum Sac. Cardinal. Collegio, ac omnibus Romanæ Curie Præsulibus interfuit.

(a) S. Petr. Chrysol. Serm. 149. cit. Edit.

(b) Theodoret. Episc. Cyr. ad S. Abund. Episc. Comens. apud Baron. ad ann. Christi 450. n. 33. Tom. 8. Annal. Edit. Lucens.

